



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : Chan' s Creative School
学校名称 : 启基学校
Name of Play 剧名 : 穷得只剩下钱
Script writer 剧作者 : 叶正行老师

Synopsis 故事大纲 :

为要消除外界对收购农村及兴建度假酒店的质疑，亿万富豪钱广富推举女儿钱恩恩代表自己参加“真人 Show”节目，表面实地考察怀农民需要，实质意图加快收购步伐。一心想脱离爸爸的束缚，恩恩毅然答应拍摄，却意想不到的是……旅程将改变她的一生。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一幕 生日会

(场景：大闸门前人来人往，大家正准备参与富豪钱广富女儿钱恩恩的生日会，有人拿着礼物经过。)

(记者和摄影师急忙出，走到台前预备拍摄。)

记 准备好未？

(摄影师示意 ok，记者立即带着微笑)

记 各位观众，而家我身处喺大宅前，准备为大家报导富豪钱广富为佢千金钱恩恩搞生日 party (有人拿着礼物走过)

早前，钱广富已经表明，party 将耗资一百万举行…，成百万嘅生日会喎？你点会错过，而家就由我带大家入去睇睇！

(转场景：派对内，背景音乐)

(见朋友送礼物给钱恩恩，有人手拿气球，气氛热闹)

(钱广富走到台中，拉钱恩恩站在同中，敲打玻璃杯，记者们入)

钱 各位来宾，欢迎大家来临小女钱恩恩嘅生日派对，无咩嘢招呼大家，D 鲍鱼同金箔雪糕要同我食晒佢呀……

(大家欢喜)

稍后，仲有 王祖彭 同 张继东 为我哋表现跳火圈。

众人 哗！

钱 走之前，记得每人要拎部 iPhone7 返去呀。(所有人拍掌)

(众人兴奋将钱广富围成一团，钱恩恩走到一角，对比显得寂寞)

记 相信电视机嘅观众都睇到啦，钱先生果然好阔绰

钱 玩得开心啲！

(记者访问钱广富，钱恩恩觉纳闷走出人群，子晴见状走到身边)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

子晴 喂，自创…『鲍鱼汉堡饱』，有无兴趣？

(见钱恩恩仍不起劲)

口感一流！(咬下一口，诱惑她)

恩 你自己食。(一手推开汉堡饱)

子晴 笑吓啦，你今日打扮得咁靚！(羡慕眼光)

恩 你钟意…条裙送咗比你，横掂都唔衬我。

子晴 点可以呀？条裙系你爸爸送比你过生日啫！

恩 系咩？我以为系佢过生日添！(钱广富受访问中大笑)

(叹气) 如果妈妈喺度就好啦……

子晴 唔好咁啦！(扮鬼脸诱钱恩恩笑) 你终于笑…(恩恩终笑出口)

(钱生走到恩恩旁)

我都系去攞啲嘢食…(找借口走开，恩恩见爸爸面色转沉)

钱 做咩成晚粒声唔出？你唔钟意个生日会？

恩 唔系！

钱 咁坐多阵，就去招呼客人啦。记得笑吓，唔好失礼我呀！

(记者走近)

记 钱广富先生！(钱转身)

听讲你计划系 宁波洪诚镇，兴建一座全新嘅度假酒店。

钱 Impressive, 消息几灵通！(恩恩行开)

话你知，收购农地嘅利润，可赚一千亿，哈哈！(细声)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

记者 咁，啲农民未要搬走？（怀疑）

钱 哦，呢层你放心，我会拨出一亿元，捐比当地农民，协助佢哋兴建新家园。（引来各人注目）

记者 一亿？佢哋肯唔肯很走㗎？（怀疑）

钱 而家出埋钱帮佢哋脱贫，咁都唔肯走？（不耐烦）

记者 农民会明白钱生嘅苦心，。（受压转语气）

钱 明就最好啦。（略收敛）

记者 不如咁啦…刚巧电视台准备开拍全新一辑嘅《实地考察真人 show》，我诚邀钱先生参加我哋嘅节目，到当地进行拍摄，一来可以体验民情，二来，又可以表示你对农民嘅关心。

钱 咩话？我先唔去啲咁嘅地方（细语）。

记者 咁太可惜啦！你唔去，我怕啲人话你为咗个人利益，妄顾农民嘅需要！（扮作关心）

钱 讲吓笑，洗唔洗咁认真呀？（转佻）

记者 咁，你即系去…？

钱 去，当然去，（思计）…我会派我个“女”去！

子晴 恩恩？

恩 我？（大家议论）

朋友3 啲咁地方点住得人㗎？

钱 （拉着恩恩手臂，细声）啊女，唔洗理人点讲，总知上到去有咁衰…讲到个农村咁衰，等我早啲收购到嗰块地。

子晴 恩恩，你想清楚啫。

恩 我去！

恩 但系，我要子晴陪我去！（子晴差点将食物喷出）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

子晴 咩话？你讲笑。(用普通话惊讶地)

(钱恩恩拉子晴到一角)

恩 我讲真！

子晴 我唔去啲咁嘅地方！(喊着地)

恩 听我讲，我终于有机会脱离呢四道墙，但系我一个人做唔到，你一定要帮我！

子晴 而家唔系讲玩，我惊无命返嚟。

恩 你系未 FRIEND 先？(严厉地)

子晴 系！(难为地)

恩 咁就得啦！(走到中间)

恩 现在我宣布，我会参加《真人 show》！(灯圈照钱恩恩，除下头上闪烁的王冠)

钱 哈哈。

子晴 救命呀！(哭诉地)
(众人拍手，音乐起)

第一幕完

第二幕 菜田

(台上场景：农田梯字形摆放，稻草人设置于田间内。
台下位置：摄影师、记者、钱恩恩、子晴出。)

恩 “洪诚镇！I LOVE YOU!” (大叫，做动作)

记 Cut！Good take。(二人立刻放松，记和摄则倾公事)

恩 好热！(坐下)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(子晴叹气一声)

恩 喂，你无嘢哎嘛？

子晴 我就快饿死啦！

记 忍多阵啦，好快拍完！（安慰她们）

子晴 唔得…我见头晕！（记上前察看）

记 （向钱恩恩/子晴）咁好啦，你哋留喺度，我去睇吓晚饭准备好未…

(记者/摄影师走开，钱恩恩走前几步欣赏环境，子晴从口袋取出零食)

恩 （横望四周，深深吸气呼出）自由嘅空气！

(有蝴蝶飞到她手上)

蝴蝶呀，子晴…，睇吓！（却转身向子晴）

喂，你喺度做咩？（子晴满口零食，语气变重，蝴蝶飞走）

我哋未讲过，今次拍摄喺度唔准带零食！

子晴 求吓你啦，比我食小小？（求情）

(钱恩恩捉着朋手)

恩 老老实实啦，你仲收埋几多零食？

子晴 无啦！（钱恩恩搜朋衣服，零食倒在地上）

恩 朱古力、尤鱼丝、香肠、薯片……你讲大话！ 哗，“杯面”？(从外套内跌出)

(零物散落地上)

子晴 我哋一齐食！

(讨论之际，有蛇从稻田出现走到零食处)

恩 N…O… “NO” 句号！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

子晴 一啖咁多？

恩 无得倾。(朋跟钱恩恩拉扯)

子晴 唔好咁小气啦…

(钱恩恩拾起零食之际，见有东西移动，蛇突然从其中扑出)

恩 无呀，我地嚟系考察，唔系开 party……(发现了什么)

子晴 系蛇呀！

恩 呀…救命呀？

子晴 恩恩，快啲赶佢走啦！

恩 唔得呀，我脚软！(钱恩恩走到子晴身后)

子晴 你系天不怕，地不怕？

恩 但系最怕就系蛇！(蛇走近)

子晴 开玩笑？(普通话)

唔好过嚟！(后退，手擻薯片挥动，吸引蛇靠近)点解佢越走越近？

恩 你包薯片呀。

子晴 咁点算好呀？

稻 用朱古力！

恩 咩话？

稻 擻起条朱古力呀，快！

(钱恩恩拾起朱古力，被蛇发现，它扑前咬正钱恩恩手中的朱古力，子晴趁机拾起另一条肠击打蛇头，蛇后退，钱恩恩坐在地上)

子晴 你唔好过嚟呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(蛇准备再攻击)

(此时乡民赶到,手拿工具将蛇击退。)

梅 打死你，走开…(蛇离开)
(二人惊魂未定)

贵 佢走咗，无事啦！(上前查看，警觉地)

恩 头先好险呀！(仍惊慌)

梅 菜田好多蛇出现，你哋要小心呀！

子晴 呀！(尖叫)

恩 又嚟？(钱恩恩站在乡身后)

子晴 我条朱古力呀！

恩 比你吓死啦！(大家松口气)

梅 你哋无事咗嘛？(上前观察)

子晴 条朱古力，无啦。(放松)

梅 “我系啊梅”…… 佢系啊贵！

恩 恩恩！(惊魂未定)

(钱恩恩突然感到手痛)

稻 你受咗伤呀！

恩 我无事！

稻 快用仙鹤草抱扎啦！(恩眼望子晴、梅、贵)

仙鹤草可以止血㗎！

恩 边个讲嘢呀？

子晴 有…鬼…？(惊慌走到钱恩恩身后)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

稻 鬼？边度？

(指向稻草人)

恩 喺佢，(指向稻) 喺佢讲嘢呀？(愕然)

稻 你好！

子晴 鬼呀！

稻 好高兴认识你！(恩上前观察)

恩 你好！我系钱恩恩

梅 忘记介绍，呢位系稻草人！

子晴 佢唔系鬼？(质疑)

梅 稻草人系我哋嘅好朋友。

(上前…小心观察)(三人握手)

子晴 太神奇啦！(兴奋)

稻 薯！(指意细声点)

子晴 唉，做咩呀？

稻 BB 瞓紧觉！(细语)

恩 喺边呀？

贵 上面！(钱恩恩/子晴望天) 呢度。(指着自已头顶)

二人 哗、系雀蛋！(钱恩恩/子晴/乡上前查看)

稻 佢哋好快就会出世。(细语温柔地)

恩 太好啦！小雀仔，我想快啲见到你。

(母雀飞回巢大叫，见人类显得紧张，三人后退)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

子晴 哎呀，做咩？

稻 唔洗惊，雀妈妈无恶意！

梅 佢只系见到陌生人冇啲紧张！

贵 为咗保护雀蛋，雀妈妈已经几日无瞓觉啦。

子晴 为人父母就系咁伟大，雀妈妈，我祝你有一个愉快嘅家庭！

（恩恩一时感触，静静行开拾起地上零食）

梅 唉，恩恩做咩呀？（察觉钱恩恩走开）

子晴 弊，我又讲错嘢。（乡不明所意）

（朋走到钱恩恩旁，梅/贵不明其意）

子晴 你无嘢咁嘛？

恩 我无事（勉强笑）
对不起…，我无心㗎…

子晴 都话无事嘍，你去休息啦。（恩恩不耐烦，子晴被拒）

恩

梅 喂，究竟佢发生咩事姐？（细语）

子晴 恩恩嘅妈妈几年前失踪！（忧愁）

贵 吓，太可怜啦。（惊讶）

（众人目光注视在恩恩处，光圈照恩恩）

恩 究竟你去咗边？……我好惊。（欠自信，失去安全坐下）（子晴搭着恩恩肩膀）
无咗你喺度，我根本咩都做唔到！…头先见到条蛇我成个人就软晒，唔识得点应付。

可能爸爸讲得啱，我的确好无用。

我好挂住你…妈妈！（望天空）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

子晴 其实…你妈妈都无走到。

恩 吓？

子晴 佢一直喺你身边鼓励你！

子晴 记不记得佢同你讲过嘅说话？

『要征服世界并唔伟大……能征服自己…』（上前拥抱恩）

恩 『才算系..世界上最伟大嘅人』

子晴 你妈妈嘅金句！

恩 我当然记得。

子晴 佢相信你能够做到嘅！

恩

我实在做唔到。（失落）

子晴

无人叫你单独面对。

稻

我哋会帮你！（众人认同）

梅

条蛇唔系我哋合力赶走咩？

子晴

我哋做得到，你都可以！（子晴伸手扶起恩）

恩

多谢你哋！（微笑）

（此时蝴蝶在二人前飞过）

恩 子晴，睇吓！

（梅开始唱歌）

（换景）

（蝴蝶在田间穿插）

（1. 蝴蝶降在台中的钱恩恩身上，散开时其中一只蝴蝶飞到台左）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(2. 小雀鸟已出世，稻草人呼唤大家来看，雀妈妈兴奋在四周飞翔高呼)

(3. 日头转做晚上，众人坐在地上欣赏夜空)

恩 好靚呀！

子晴 乡间嘅夜景原来系咁靚。

恩 我呢一世都唔会忘记呢个情景！（摄影师也忘记拍摄）

贵 乜香港无星星嘅咩？（好奇地）

子晴 有，只不过光污染太严重啦，啲星星吓走晒！

贵 咁太可惜啦

（乡叹气）

梅 好快，呢度啲星星都会消失

恩 点解呀？

梅 听讲，有个大财团想收购 洪诚镇，到时呢度就会面目全非！（不快）

恩 （激动起立）太过份啦！…唔得，我要同..（恩恩被子晴拦住示意闭口）

梅 同咩？

子晴 恩恩要同大家影张相留念！（拉着恩恩走到一角，示意她冷静）

贵 好呀，等我帮你影呀。（协助大家拍照）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(四人走到一处，伤感)

(此时，恩恩手机响起，见爸爸来电，不快)

恩 喂，爸爸。

钱 恩恩，你喺上面几好吗？

恩 我…好好。(望着贵梅等人)

钱 我知道今次难为咗你，忍吓啦，收购嘅事就靠晒你

恩 但系爸爸，(转身背着贵梅，细语)

钱 记着呀，“有几衰，讲到农村咁衰”，相信唔驶几耐，一千亿就好快袋落袋。

恩 我有嘢要同你讲…

钱 收线啦，你自己保重啦！

恩 喂！喂？

(灯渐暗，转景，众人从台左离去)

子晴 出面好大风！(声音)

记 睇怕听日嘅拍摄要取消！(声音)

恩 弊！(声音)

子晴 咩事呀，恩恩？(声音)

恩 雀BB！(声音)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

记 喂，你去边呀？（声音）

（暗灯着，大风将大波菜吹得东歪西倒，蛇利用嗅觉闻到猎物，慢慢向雀巢朝去）

（雀妈妈察觉有异物移动，紧张叫喊）

稻 做咩呀？

（雀妈妈飞到蛇上空）

系蛇？你个衰人，唔好过嚟呀！

（雀妈妈奋力对抗敌人，但失败）

稻 雀妈妈？（担心地）

（蛇从稻草人脚下爬上）

你同我走开呀。

（雀妈妈在雀巢周遭盘旋叫喊，稻草人用手握着蛇头，阻止它上前）

我唔会比你伤害雀 BB。（斗力中）

（恩恩出）

恩 稻草人！

稻 恩恩！（惨叫）快啲嚟帮手呀！

恩 蛇…！（害怕）

稻 佢要捉雀 BB 呀！

恩 ……！（害怕后退）

稻 你做咩呀？仲唔过嚟？

恩 我…做唔到！（脚软，坐下）

稻 你开玩笑吗？（普通话）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

恩 …对唔住！

稻 岂有此理，我…我无力啦。

（蛇卷着稻草人身体上到雀巢，准备吞雀 BB）

稻 呀！

恩 稻草人！

（雀妈妈奋力阻止蛇，但被咬伤倒地，蛇上到雀巢）

恩 唔好呀！激气…

（雀 BB 惊慌叫喊）

雀 BB？

（愤怒）我喺唔会比你伤害雀 BB！

（此时，恩恩从地上搭起工具，以慢动作击打蛇头，蛇跌进草丛受伤逃去）

你同我走开！

（恩恩见危机解开，双脚变软坐在地上）

稻 你成功呀，恩恩！

我…竟然做得到？（望自己双手，不能相信）

（稻草人急忙除下帽子，查看雀 BB）

稻 雀 BB，你哋无事就好啦…

恩 雀妈妈呢？（突然想起）

（恩恩放下工具，上前查看雀妈妈，将她拾起放在雀巢中，用身体挡着大风）

好冻呀！（打喷嚏）

稻 恩恩？你有冇事？（向外界大叫）…有冇人呀？有冇人帮手呀？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

（仍然大风，众人出）

记 恩恩？

梅 恩恩？

记 快啲叫救护车！

（在混乱中灯渐暗）

（新闻报导）

《华中海域季候风持续增强，浙江一带多户停电，宁波洪城镇多处严重水浸，多个慈善团体设立赈灾热线，捐款人可将善款存入以下银行账户号码 338-237-87... 》

第二幕完

第三幕 医院

（简报：急证室）

（多名记者于医院私家病房前守候，清洁工人正在扫地）

唔好乱抛垃圾，呢到系急症室黎架

清 （拾起地上报纸）唉… 『电视台拍摄失当，富豪千金险丧命！』

传 2 钱广富呀！（指着）

（钱广富步出病房，记者上前包围，情况混乱）

传 1 钱生，恩恩情况点呀？

钱 恩恩需要休息，希望大家比啲空间佢。

传 3 风灾会唔会改变你收购 洪城镇 嘅计划？

钱 唔会！

传 3 点解？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

钱 事实证明，当哋环境非常恶劣；如果唔系，恩恩点会患上肺炎？
为咗农民健康，我要加快收购步伐，改善当地生活环境！

（众人拍掌）

记 你讲…大…话！（记者步出）

传1 佢咪系《真人 show》嗰主持人？

钱 喺你，枉我当初咁信你，将恩恩交比你照顾，而家你反过嚟诋毁我？

记 系你迫恩恩上去！

传1 讲咩？

记 你所做嘅一切，都喺为咗要赚嘅一千亿。

钱 你讲多次！（指着记者）

传2 恒指大跌九百点。（看手机）

传3 中资股都全线下挫。（众人纷纷查阅手机）

钱 点会咁嘍？

（钱手机震动，急忙接听）

钱 我未叫你睇实个市嘍！……打风啫，点会影响咁大呀？（走开）

（记者见恩恩/子晴步出）

记 恩恩？…（上前）你无事哎嘛？

恩 小小发烧啫，我顶得住。（关心地）啊梅啊贵点呀？

记 佢哋无事，但系…块田就无咁好彩啦。

恩 （忽然想起）咁…雀巢呢？（紧张咗）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

记 放心啦，救得番。

恩 咁就好啦。(放下心头)

记 呀！差啲忘记，(递上禾草盒)呢样嘢要交比你。

恩 咩呢㗎？

(恩接过盒并打开)

恩 呢样嘢…(感动)

记 啊梅啊贵希望你可以坚强咁生活落去。

恩 多谢你啦…(感恩)

钱 恩恩？(钱发现恩恩)你出嚟做咩呀？(大为紧张)有病就多啲休息啦。

传2 系钱恩恩呀！(记者们上前包围她)

传1 恩恩，你身体点呀？

恩 我无事，有啲嘢我要同大家讲。

钱 有嘢迟啲先讲啦。(却想拉她回病房)

恩 唔得！我而家就要讲。

恩 (向众人)各位，洪城镇并唔系爸爸形容咁差，佢误导大家。

(闪光灯闪过不停)

钱 唔好信佢，小女孩住唔惯穷乡僻壤，一下子接受唔到，先会乱讲嘢。
(勉强笑)

恩 我讲嘅都系事实！爸爸，你去过洪城镇咩？(钱不能回答)

传3 洪城镇系点㗎？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

恩 洪城镇虽然简朴，但拥有清晰嘅天空，无污染嘅湖水，浓厚嘅人情味…

呢一切，喺香港系搵唔到。(打开草盒，盒内藏雀蛋)

最重要，洪城镇教识我面对自己。

(钱上前查看，闪光灯闪过不停)

钱 烂鬼雀蛋…有咩用呀？金蛋就话啫！(笑)

恩 其实我要多谢你，爸爸！(向爸爸)

系你比机会我变得坚强！

而家我先发觉，爸爸…原来你好穷，穷得只剩下钱！(记者闪灯，恩离开)

传 1 钱生，你有咩无回应呀？(众人聚焦于钱生)

钱 我…穷？开玩笑！(普通话)

恩 (停下)爸爸，放低一千亿，或者你会明白更多！(恩离开)

(所有人随记离开)

钱 喂，你哋去边呀？

(剩下清洁工人，她不理睬钱继续扫地，保安阻拦清洁工走近钱生)

清 唔该借借…(钱生示意保安行开)

钱 我…穷得只剩下钱？

(孤独地)(灯光渐暗，光圈投射在钱身上)

全剧完